



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Avrelii Avgvstini Hippo. Episcopi Meditationes,
Soliloquia et Manuale**

Augustinus, Aurelius

Coloniae Agrippinae, 1649

Hic exponit homo Deo Patri paßionem Filii in sui reconciliationem, 8

[urn:nbn:de:hbz:466:1-54885](#)

tui consolatio: fiant mihi lachrymæ meæ panes die ac nocte investigando justificatio- nes tuas; sit bonum mihi lex oris tui, super millia auri & argenti. Sit obedire tibi mihi amabile; & resistere tibi execrable. Rogo te, spes mea, per omnes pietates tuas ut propitie- ris impietatibus meis. Adaperi aures meas mandatis tuis, & ne declines (flagito) per nomen sanctum tuum in verba malitiæ cor meum, ad excusandas excusationes in pecca- tis. Peto etiam per admirabilem humilitatem tuam, ne veniat mihi pes superbiæ, & manus peccatoris non moveat me.

C A P V T VIII.

*Hic exponit homo Deo Patri passionem Filii
in sui reconciliationem.*

I. **E**cce omnipotens Deus pater Domini mei, dispone benignus, quo misere- ris mei, quoniam quicquid preciosius inveni, devote obtuli; quicquid charius reperi, suppliciter præsentavi. Nihil mihi reliqui, quin tuæ exposuerim Majestati; nihil jam supereft, quod adjiciam: quia totam tibi delegavi spem meam. Direxi tibi advoca- tum meum, dilectum Filium tuum. Misí gloriosem progeniem, inter me & te me- diatorem: Misí, inquam, intercessorem, per quem confido veniam. Misí verbis Ver- bum, quod pro meis dixi missum factis, & numeravi tibi sanctissimæ sobolis passio- nem, quam pro me credo fuisse perpe- sam. Credo à te missam deitatem, meam suscepisse humanitatem; in qua dignum duxit

alapas, vincula, sputa, irrisiones perferre, nec non crucem, clavos telumque suscipere. Hanc olim infantiae vagitibus demolitam, pueritiae pannis constrictam, juventutis sudoribus vexatam, jejunii maceratam, vigiliis afflictam, itineribus fessam, postea affectam flagris, laceratam suppliciis, deputatam cum mortuis, dotatam gloria resurrectionis, cœlorum gaudio induxit, & in dexteram tuæ celitudinis collocavit. Hæc placatio mea, & propitiatio tua.

2. Hic attende pius, quem genueris filium, & quem redeineris servum. Hic aspice factorem, & ne despicias facturam. Amplectere serenus pastorem, & respice misericors al'atam propriis humeris ovem. Hic est fidelissimus pastor ille, qui ovem dudum errabundam per abrupta montium, per præcipitia vallium, multis variisque quæsierat laboribus. Quique jam morienti, jam per longa exilia deficiente, tandem inventæ gaudens se supposuit, & miro sibi annisu charitatis annexam, de profunda confusionis abyssو levavit, piisque astrictam complexibus, ad nonaginta novem unam, quæ perierat, reportavit.

3. Ecce Domine mi rex, Deus omnipotens, ecce Pastor bonus refert tibi quod commisisti ei. Suscepit te disponente ad salvandum hominem, quem tibi restituit omni labore immunem. Ecce tuum tibi clarissimus natus plasma reconciliavit, quod à te procul deviavit. En, gregi tuo Pastor mitis reportat, quod prædo violentus abegerat. Reddit tuis

con-

conspicib⁹ servum, quem sua fecerat conscientia fugitivum; ut qui per se meruit poenam, per satisfactionem hujus mereatur veniam, cuique pro culpis supererat gehenna, tanto duce jam confidat revocari ad patriam. Potui per me sancte Pater offendere, sed non valui per me placare te. Factus est adjutor meus, Deus meus, tuus dilectus filius, meam participans humanitatem, ut curaret infirmitatem; quatenus, unde causa emerserat offensionis, deinde tibi immolaret sacrificium laudis; meque per hoc redderet tua pietati placabilem, quo sedens ad dexteram tuam, semper meæ substantiæ se ostenderet esse confortem. Ecce spes mea, ecce fiducia mea.

4. Si me pro mea, ut dignum est, despicias iniquitate, respice me saltem misericors, pro dilecta sobolis charitate. Attende in filio, quo propitieris servo. Vide carnis sacramentum, & remitte carnis reatum. Quoties beatæ prolis tibi patent vulnera, delitescant (obsecro) scelera mea. Quoties rubet preciosus pio de latere sanguis, diluantur (obsecro) labes meæ pollutionis. Et quia caro te laceassivit ad iram, caro te flectat (imploro) ad misericordiam; ut sicut me caro seduxit ad culpam, sic caro deducat ad veniam. Multum namque est quod mea mereatur impietas, longe autem majus, quod redemptoris mei reposcit jure pietas. Magna enim est mea injustitia; satis vero major redemptoris justitia. Quanto namque est superior Deus homine, tanto mea malitia est infe-